



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Christi tristissimam agoniam, eiusdemq[ue] sepulturam paucis explicans,  
Hymnus XI.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Tu lachrymas & vulnera,  
Tu pœnas & opprobria,  
Tuos ô Christe gemitus  
Meis inscribe sensibus  
Iesu tibi qui pateris, *vt suprâ.*

*Ea que Christus hora Nona pro nobis  
passus est succinctum exponens,*

## Hymnus IX.

**I**esu quem amas fortiter,  
Quos tam misericorditer  
Præssuris tuis redimis,  
Quas hora Nona pateris,  
Distentum pœnæ dissipant,  
Te flagellorum cruciant  
Plagæ, te clauis lacerant,  
Hinc spinæ caput vulnerant.  
Quassantur artus liuidi,  
Nerui laxantur rigidi,  
Cruor hinc manat roseus,  
Dolor crescit acerrimus.  
Conspuit pallet facies  
Cruore fuso, macies  
Membra consumit arida,  
Dum sitis premit aspera.  
Sensus & dolor viguit,  
Non est quod pœnam minuit  
Hæc mater videns anxia  
Tabescit præ tristitia.  
Ad Patrem tristis clamitas,  
Relictum te vociferas,  
Gustando fel amaricans,  
In cruce pendes lachrymans.  
Anhelum pectus palpitans,  
Cor gemit, lingua æstuat,  
Commendas te & inuocas  
Patrem expirans clamitas.  
O quàm immensa charitas,  
O cordis mira bonitas,  
Iesu te totum tribuis,  
Nobis cor tuum aperis,  
Iesu rex amantiissime,  
Me munda tuo sanguine,  
Tu mentem meam vulnera,  
Transformans & inebria.

Fac mundo totus moriar,  
Absorptus tecum vnjar,  
Egrediens hinc, gaudia  
Mox ducar ad cœlestia.  
Iesu tibi qui pateris, *vt suprâ.*

*Ea que hora Vespertina ante & post  
Christi necem acta sunt breuissimè expli-  
cans,*

## Hymnus X.

**T**V vespere deponeris  
De cruce, matri redderis,  
Iesu te plangunt anxie,  
Te dum inuoluunt sindone  
Hoc tempore mysterium,  
Sacrumq; fit conuiuium,  
Iesu post cœnam typicam,  
Tuam pascis familiam.  
Verumq; cibans hominem,  
Carnem tuam & sanguinem,  
Panis viniq; specie,  
Das nobis amantiissime.  
Iesu nostra redemptio,  
Tu cibus, tu refectio,  
Tibi mens mea hæret,  
Et crucem nunquam deserat,  
A seipsa deficiat,  
Teq; semper esuriant,  
Ad cibum hunc me simplicem,  
Pium, castum fac humilem.  
Iesu tibi qui pateris, *vt suprâ.*

*Christi, tristissimam agoniam, eiusdemq;  
sepulturam paucis explicans,*

## Hymnus XI.

**D**oloris est initium  
Finisq; completorium,  
Iesu, nam tunc egrederis  
Ad hortum, in quo traderis.  
Tibi tristis est anima,  
Dum oras in angustia,  
Sudorem dans sanguineum,  
Turmam expectans hostium,  
Hæc hora tuos visitas,  
Quos vigilare iufferas,



Sic noctis in crepusculo  
Laces in matris gremio.  
Conditus es aromate,  
Sepultus deuotissimè,  
Iesu meæ spes animæ,  
O cordis amor vnice.

In te Iesu sepeliar,  
In te viuens absorbear,  
Meum cor in te rapias,  
Obdormiar, sic vnias,  
Iesu tibi, qui pateris, vt supra.

## D. IOANNIS LANSPERGII

Carthusiani, in hymnum aureum, seu Rosarium rithmicum,  
Præfatiuncula.

**D**esiderasti fili charissime, Rosarium rithmice positum, quod memoriam in-  
uet (Neque enim omnium, inquis, est libros penes se habere, aut gestare in  
manibus) & quod breue sit, puta is accommodum, qui curis occupationi-  
busq; aliarum rerum pregrauantur, quodq; petitiones suas habeat articulis  
singulis appositè consentaneas: postremoq; vnde qui paululum meditationi  
fuerit assuetus, plura cogitandi, aut affectum in ampliora extendendi, occasionem possit acci-  
pere. Institi, vt potui tibi fili charissime morem gerere, & quicquid inter manus scribentis spi-  
ritu natum est, hoc tibi offero dedicoq;. Existimo autem quod nullus orandi modus sit saluati-  
ri nostri, pyssimq; eius matri perinde ac ceptus, quàm si quis quotidie multa cum deuotione  
sertum conficiat rosaceum (quod vulgo Rosarium vocant) & singulis salutationibus Angeli-  
ci singulos vita & passionis Christi articulos ore vel mente attexat vel proponat, addendo  
semper ad finem articuli cuiuslibet, Alleluia: & ad prolationem nominis Maria caput deuote  
inclinat, & ad nominis Iesu stillet genua, Iesu & Mariae benedicendo & gratias agendo  
pro tantis & alijs ipsorum beneficijs: virtutes item Iesu, puta Charitatem, Humilitatem,  
Castitatem, Pauperitatem, Patientiam, Misericordiam, & ceteras in ipsi articuli effulgentes,  
seruenter desideret, imitariq; studeat. Enimvero per hoc cum primis salutare & fructuo-  
sum exercitium per plures leguntur à diuersis tum corporum, tum animarum periculum &  
tentationibus, Virgine matre pro ipsis orante, liberati, atque ad insignem vita perfectionem  
euecti. Quod etiam cuidam sancto patri olim vicario ac deinde Priori Carthusiæ Treuerens-  
is (vnde idem exercitium cum articulis trahit originem) & nonnullis alijs ibidem conti-  
gisse certum est. Cum enim iam dictus venerabilis pater multis annis hoc exercitium quoti-  
die coluisset, suffragante illi gloriosa Virgine, sepius per diem, præsertim ad horas septem ca-  
nonicas in cælum re vera rapiebatur: vbi inter cetera clarissime vidit & audiuit cælestes ci-  
ues, Iesum & Mariam super huiusmodi articulis ineffabilis letitia & deuotione benedicen-  
tes, & dulcissimis nominibus Iesu & Mariæ reuerentiam modo supradicto exhibentes, nec  
non pro omnibus in eiusmodi exercitio sese ipsi cæli ciuibus conformantibus in terris, Deum  
obsecrantes: adhuc pro singulis id genus sertis rosacis, singulas coronas mirabili fulgore  
coruscantes & immarcescibiles, illis in cælestibus reponi: Plenam insuper peccatorum re-  
missionem, singularem quoque gratiam & benedictionem in præsentem, gloriamq; in futura  
vita pro qualibet corona rosacea, vel Rosario illis à Domino Iesu per preces beatissima ma-  
tris eius diuina autoritate promitti & conferri. Denique maiorem Dei gratiam & salutis  
thesaurum in eodem latere exercitio, quàm quispiam mortalium possit comprehendere, pri-  
ma veritatis testimonio illustratus cognouit, nobisq; hac post obitum suum in scriptis reliquit.  
Obijt autem idem venerandus pater, Anno Domini M. CCCC. XXXI. Vt autem oratio  
tua Deo gratissima fiat & multis fructuosa, affectum tuum orando, semper extende non  
modo tui solius, sed etiam pro totius Ecclesiæ salute, in vnique sanctissimarum precum &  
meritorum Iesu Christi Domini Dei sui.

Ad



*Ad Dominum Iesum supplicatio.*

**I**esu tuum ob amorem,  
Mœrorem, mortem, dolorem  
Ah Ecclesiam defende,  
Reforma, rege, succende:  
Salua miseros & iustos,  
Reos, nobisq; commissis:  
In te præsta pacem cunctis,  
Nobis, viuis & defunctis, Amen.

*Iesu Christi beatissimæ, matris eius  
Maria vitam, passionem, glorificationemq;  
breuissimè complectens, Hymnus aureus, ac  
rosaceus per decades quinque distributus.*

Hymnus XII.

*Decas I. Pater noster.*

**I**esu cuncta qui creasti,  
Nos peccantes tolerasti  
Fac commissa nos desistere,  
Desistendaq; præcauere,  
Alleluia, *Aue Maria* &c.

Iesu matrem præseruasti,  
Cunctis donis adornasti:  
In te mala nostra purges,  
Et in bono nos confirmes.  
Alleluia, *Aue Maria*.

Iesu virgo salutata,  
Te concepit sœcundata  
Casti, humiles, feruentes,  
Te sumamus, nos reddentes,  
Alleluia, *Aue Maria*.

Iesu mater seniozem  
Adit, vngis Præcarsozem:  
Proximus fac nos seruire,  
Intus tecum cor vnire.  
Alleluia, *Aue Maria*.

Iesu virgo Deo plena,  
Te produxit absque pœna,  
Vetustati moriamur  
In te sœpè renascamur  
Alleluia, *Aue Maria*.

Iesu te pastores quærunt,  
Angeliq; laudauerunt:  
Fac nos semper te laudare,  
Tuum nutum obseruare,  
Alleluia, *Aue Maria*.

Iesu diceris saluator.  
Circuncisus vt peccator:  
Nostra circumcide praua  
Corda, sensus, verba vaga  
Alleluia, *Aue Maria*.

Iesu reges te dotarunt,  
Honorantes adorarunt:  
Vota reddamus oblata,  
Debitaq; mente grata.  
Alleluia, *Aue Maria*.

Iesu templo præsentatus,  
Es redemptus, nobis datus:  
Fac nos humiles, subiectos,  
Puros in te recolletos.  
Alleluia, *Aue Maria*.

Iesu regem dum fugisti,  
Exul inopetq; fuisti:  
Purè te fac intendamus,  
Mala summè fugiamus.  
Alleluia, *Aue Maria*.

*Decas II. Pater noster.*

**I**esu mater te nutriuit,  
Tibi humilis seruiuit:  
Fac nos sequi paupertatem  
Tuam & simplicitatem,  
Alleluia, *Aue Maria*.

Iesu mater te docentem,  
Templum quærit incolentem:  
Nos feruenter fac orare,  
Ad te semper suspirare.  
Alleluia, *Aue Maria*.

Iesu matri paruisti,  
Nostras culpas deplanxisti:  
Fac nos ipsos abnegemus,  
Culpas dignè deploremus.  
Alleluia, *Aue Maria*.

Iesu diu latitasti,  
Et pro nobis exorasti:  
Fac nos viles æstimari,  
Funditus mortificari.  
Alleluia, *Aue Maria*.

Iesu pie baptizaris,  
Et à Patre declararis:  
Laua fonte tui cordis,  
Fœditatem nostræ fordis.  
Alleluia, *Aue Maria*.